

Treća međunarodna konferencija
Sarajevo i svijet
od 4. do 15. maja 2017.

Javna rasprava
O PRAVDI I ETICI SJEĆANJA U BOSNI
uz film *Nuremberg - Its Lesson for Today*
Sarajevo, 10. maj (srijeda), 2017.
Hotel *Europe*, početak u 18.00 sati

Međunarodni forum Bosna organizirat će 10. maja 2017. godine, u okviru obilježavanja Dana Općine Stari Grad Sarajevo, Javnu raspravu *O PRAVDI I ETICI SJEĆANJA U BOSNI*: uz film *Nuremberg - Its Lesson for Today*. Rasprava će biti organizirana u hotelu *Europe* s početkom u 18.00 sati. Film koji će biti prikazan je potresna sinteza pravnih odnosa prema nacističkim zločinima. Nirnberški tribunal je postavio temelj međunarodnog prava u sudskim odnosima prema zločinima protiv mira, ratnim zločinima, zločinima protiv čovječnosti i genocida. Za razumijevanje zločina izvršenih u ratu protiv Bosne potrebni su uvidi u njihovu konkretnost ali i najširi okvir međunarodnog prava.

O temi iz naslova govorit će Edina Bećirević, Sonja Biserko i Srđan Šušnica. Raspravu će moderirati Fatima Mahmutćehajić.

Edina Bećirević je profesorica Fakulteta kriminalističkih nauka Univerziteta u Sarajevu. Njeno akademsko bavljenje tiče se prvenstveno teorije genocida i slučaja genocida nad muslimanima Bosne. Njena knjiga *Na Drini genocid* (2009), s prijevodom na engleski, jedno je od onih temeljnih djela nezaobilaznih svakome istraživaču zločina protiv Bosne.

Sonja Biserko je osnivačica i predsjednica Helsinškog odbora za ljudska prava u Srbiji. Od početka raspada Jugoslavije do danas posvećena je, pored ostalog, i pitanjima pravde, ulogama Srpskih elita, velikosrpske ideologije i Srbije u agresiji na Bosnu i njenim posljedicama. Među njenim radovima ističu se slijedeći: *Yugoslavian's Implosion - The fatal attraction of Serbian nationalism* (2012); *Serbia: A Continued Source of Instability in the Balkans?* (2007) i *Yugoslavia. Collapse, war, crimes*, (1993).

Srđan Šušnica je kulturolog. Bavi se istraživanjima bosanskih i balkanskih tema, uz jasnu usmjerenost na kritička preispitivanja kulture zaborava, historijskog revizionizma, nacionalizma i fašizma.

Fatima Mahmutćehajić je profesorica Ekonomskog fakulteta Univerziteta u Sarajevu. Područja njenih akademskih zanimanja su odnosi savremenih pravnih sistema i cyber prostora.

Rasprava je otvorena za širu javnost.

Tarik Čengić
MFB koordinator